

稿本航海述奇匯編

第十冊

〔清〕張德彝著

〔清〕張德彝著

稿本航海述奇匯編  
(十)

北京圖書館出版社

八述奇卷十三

鐵嶺張德彝在初隨筆潘士魁校

光緒三十年五月十九日丁酉鎮日陰晴細雨不定涼  
堪特百里大主教達威森夫婦于今日四點至七點在  
朗貝宮中請茶會余偕內人乘車往開闕高大石塔寬  
敞然客多則地仄又值天陰欲雨所備酒果茶點長卓  
樂工一部皆列樓中是以樓之上下男女往來駢肩累  
跡絡繹不絕入正間見達公夫婦後乃令伊女引導各  
處遊覽經堂書庫皆鞏固樸素其樓亦然蓋二千年前

之古房也。游覽一周，少食酒點，握手謝歸，惜未得入園一游。

二十日戌戌晴時，為英蘭初夏地，椹盛結。又名草果，據

云是果頗益於人，食之可養神，用之能除斑點，美貌為婦女之夙願。既憎面有黑點，復虞粉面之夏季生斑，其已斑點法，可將此果切開，擦於面，或黃或黑之斑點，自能消去。久生者，用果汁塗之，半點鐘後，熱水噴之，亦有效果。泥牙上擦之，尤能令齒光潤淨白。食之之法，每晨未起之先，一升地椹加錫食之，日久神清而面潤。

二十一日己亥鎮日陰晴不定申正偕內人率孫女乘車至喀倪甘坊第六十八號赴雷瀾巴夫人家茶會登樓見其母女遇日本公使夫人及狄萊麗小姐等客稀甚鼓琴歌曲列茶點於樓上一隅用否任便屋寬敞樸素而修飾部署幽潔小茶會頗雅靜較大茶會別有風味陳設瓷器饒華產惟廳中鮮花一盆下支木几以中國藍綉花女裙圍之豈彼以為雅觀耶

二十二日庚子陰涼英蘭西南角寬倭府之西南臨海埃斯屯鎮每年五月八日開跳舞會曰花神會洋名曰

第洛拉代預擇健童二三十名。翌早辰正帽插鮮花。一童擊鼓前引。從童比肩隨之。齊歌古曲。遍游街市。未初。通城男女官商聚於鎮之官堂。樂工奏古樂。男戴花女執花。成對跳舞。或樓上。或院中。或園囿。男女老幼歡樂終朝。仿古誌不忘古也。

二十三日辛丑。大晴熱。申初偕內人率孫女乘車西南行二十里。過太木斯江。至德威芝村。赴德威芝學堂茶會。倫敦博物院東方書籍監督德格樂夫婦代請也。入見主人後。觀古油畫畢。遂之園中。布帳喫冰乳少許。復

至學堂一游。房舍樸且潔。四百年前之土木也。小教堂  
臺前古墓一四百年前伶人阿蘭葉優起家。晚歲建此  
學堂。給村中阿姓。雖男女學習。供應周至。異姓者亦得  
與。但出脩金一半。餘則悉索學費。阿蘭死葬于此堂。旌  
其善舉。垂之不泯。學規教法。斯地最良。至今列諸英蘭  
上等額。設生徒數百名。

二十四日壬寅陰。聞昨教堂會中有兼萬生會之人名  
阿弗拉婁者。倡云。猶非人家所必畜。而英國戶口以千  
萬計之。至少亦得猶六百萬頭。每頭年稅二先半。則一

年應進一千五百餘萬先于官家不魚小補爾時男女之養猫者多辯駁之故因循未達之議院

二十五日癸卯晴熱亥初二刻偕內人乘車入十靜宮赴跳舞會子初國君君后太子太子妃王族宗戚二十餘兩兩步入登臺後對面樓上作樂計跳六場內則二喀得立四瓦勒自丑初一刻畢主客飯堂夜餐局面詳前丑正一刻回使館英表背匠工價糊牆壁以紙捲計工每捲一先至三四先其長短闊狹不論

二十六日甲辰晴熱如昨費里墨夫人于其廐所請兩



日茶會均限四點至七點鐘。月之十七日初期。余以事未赴。今日申初。偕內人率孫女乘車西行。十四五里。至喀木壑山。入喀木壑別墅。穿樓而過。乃見費公夫婦及女。遂下階入園。對樓樹蔭中。暗列圓長卓椅。左右分部。酒果糕點。冰乳加非。星羅棋布。樹下花間。隔數武。即有椅凳。布帳竹棚。點綴幽雅。備客所憩。中院藍衣樂工一部。節節作樂。花種極多。紅紫黃三色海棠。瓣之巨如芍藥。而厚。酉初謝歸。順走海岱園。氣車單雙馬。敬車左右往來如連筒。馬步巡捕。指示彈壓。路兩旁坐立之男女。

稠如雨雲。

二十七日己巳晴。英人每當炎夏多有以一種苡米水解渴。英名巴爾當倭特爾。今皆漸飲賽得爾。前見謂此酒不惟解渴且益人。一不醉二有滋味。故凡饌宴及酒肆飲之者。从婦女飲酒者少。現亦有用以代水者。因其力薄而甘也。

二十八日丙午晴熱而風甚爽。近有法人白鷗當新創一種汽船名曰平流無聲。洋名格來丁。形長方長三丈六尺寬九尺。平底底有如魚翅之分。水五畝。其中心置

機器馬力由十四至四十，每一點鐘速率自二十洋里至六十。船尾僅坐一人，手扶小輪，關鍵與駛汽車者同。開時汽足，則分水動力與輪轉同，是為取法于魚。

二十九日丁未，晴熱未正二刻，偕內人帶孫女乘馬車西行十四洋里，稍南過鍊匠營、黎池門村，至紅果山莊。英名斯托貝里希拉赴德斯坦男爵夫人別墅茶會，見其夫婦與女後于樓上走一周，陳設華美，骨董頗夥。樓式侷宮殿，頂作雉堞，層層鞏固，數百年前之一衛所也。下樓入園，園極寬廣，花木整齊，白石甃地，細州鋪瓊樹。

徑崎嶇不知以幾多頃數。正面設布帳，橫長卓，帳外又分列圓卓，環以小椅。滿羅酒果，茶與小食，僕歐伺候。殷勤酒後，別有所獻，如菸捲、摺筴、扇、畫、紅果，以符地名。後面印各節樂名，因樹下有紅衣、藍衣樂工各一部也。一日本畫師，未識其名，據樹下一卓，卓列五彩水，方一尺之白緞成堆，舉筆一揮，或花或鳥，活潑如生，且幅各不同，咨可謂智生靈府。功在筆端矣。主人擬計客而贈，奈悉索難供，男女爭求，得者僅數十人。又有義大里照象人一名，經主人雇來，客欲在樹下花旁照者，皆可照。

一頁此等茶會足云賞心樂事矣。

六月

初一日戊申晴。哲爾奚伯爵夫人今年仍請三日茶會。第一期上月十二日。第二十九日。第三今日申初偕內人帶孫女乘馬車西行十洋里。至教斯得立園繞過花園。馳過林表樓前舍車登塔。直至門前始晤其夫婦。即牽衣促坐。進酒食茶點。少食地榘加非。轉入內間。見陳設多於前次。繼出後門。下石塔入園。樹下花間。客如戰螳。為坐為立。叟伴蒼松。童嬉弱柳。紅肥綠瘦。解語之花。

樂度兩閱日之夕矣。步回出樓下謝歸。同時車馬蟬聯。如河流之順軌。至通衢始分馳。汽車隆隆。飛過若干。乘一瞥無蹤。速可知矣。路近倫敦。則邁子車。地道氣車。鐵道公車。電氣公車。鎮日往來。數十里間。甚便。

初二日已酉晴。昨聞義國東南臨海之蕾斯城。名麻九者。病歿。年甫二十三。因醫院治無良法。剖屍查驗。是人有二脅骨。胸穴左右各一心。左乾瘠。右肥壯。美國博物院以一千六百鎊商購全骸。先付八百。死者陰壽及四十五。再足前款。據云二脅二心。自古希有。置之院中。將

以炫奇備致也。

初三日庚戌大晴天熱而風和較北京稍爽申初偕內人率孫女乘馬車西行約十洋里至布蘭佛村大道赴諾僧柏蘭公夫人府茶會府號賽安堂入大石門一上立師子一古蹟也繞行石徑綠草茸茸經小鍊橋約二里許始達石樓前樓為白石造式古工堅下車履階登樓迴環數進達一敞間晤諾公夫人畢步轉而下出門入園正面紅衣樂工一部旁支布帳帳內外列長卓圓卓椅凳密布茶酒鮮果糕點加非冰乳檸檬水諸品入

茶點畢，循步環繞園中。老松皴雪，細草鋪茵，佳卉敷英，小山象石，河流環玦，綠點荷錢，四五小舫，任人自擢。玻璃暖房一所，橫作山字式，熱帶鮮花百種，芬郁其中。房前新巧水法，點綴之計，里步行，莫窮其境，誠鉅觀也。遙望樓下男女如雲，園門樹陰中，汽車停百乘，馬車稅數百車，馬排比長逾數里。他國公使夫婦，母女多來游者。余又遇印度扎拉瓦爾王回使館時，乙亥初。初四日辛亥晴，英例建修樓房，皆有專行，開工時懸行牌于樓上，迺拆房亦有專行，懸牌書某行開設某處專



辨拆毀推倒各工等字。

初五日壬子大晴熱現東西各國得律風大盛而英美兩國為之冠聞紐約一行機器已有五十六萬二千分。每分兩端各需一人共一百一十二萬四千人譬如每分之一端使一人司之用二分鐘則必二十四點鐘中口不歇聲連作八年零九個月若一日僅司十二點鐘更須十七年零六個月矣倫敦國行共有六萬分用人八百每日所傳約百萬次郵政局二萬分人數未悉凡業此者右手執器以置左耳久則一耳荒矣左右兩耳